

Ո Ր Ո Շ ՈՒ Մ N 623/1
/վարչական տույժ նշանակելու մասին/

«20» մարտ 2023թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, քննելով Արին Խիչումյանի (անձը հաստ. փաստ.՝ 011495082, հասցե՝ ՀՀ, ք. Երևան, Կոմիտաս 27/3) առնչությամբ սկսված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Ամերիկյան գլոբալ գրուպ» ՍՊ ընկերության կողմից 05100034/201022/0007186 տարանցման հայտարարագրով Գոգավան-Պրիվոլնոեյի մաքսային կետ-բաժին անցակետով ՀՀ տարածք է ներմուծվել՝ Արին Խիչումյանին պատկանող 7 կգ (առաքանի՝ US10003595AM) ապրանքներ, ինչը 20.10.2022 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի լրանալը ապրանքների վերաբերյալ մաքսային հայտարարագիրը մաքսային մարմինն չի ներկայացվել:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության բացթողնման բաժնի մաքսային տեսուչի կողմից 03.03.2023 թվականին Արին Խիչումյանի նկատմամբ կազմվել է մաքսային կանոնների խախտման վերաբերյալ արձանագրություն մաքսային կարգավորման մասին ՀՀ օրենքի 304-րդ հոդվածի հատկանիշներով, որը ուղարկվել է նրան, ինչպես նաև տեղեկացվել է նշանակված գործի քննության և իր իրավունքների մասին:

Արին Խիչումյանի կողմից գործի քննությունը հետաձգելու մասին միջնորդություն չի ստացվել:

ՇԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Սույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

Մաքսային կարգավորման մասին օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Մաքսային կարգավորման մասին ՀՀ օրենքի 304-րդ հոդվածի համաձայն՝ սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը՝ առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով:

Այսպիսով, Արին Խիչումյանը սահմանված ժամկետում մաքսային մարմին մաքսային հայտարարագիր չի ներկայացրել ինչը անօրինական է՝ ուղղված Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների մաքսային հսկողության և մաքսային ձևակերպման սահմանված կարգի դեմ, ինչի համար մաքսային կարգավորման մասին ՀՀ օրենքի 304-րդ հոդվածով սահմանված է պատասխանատվություն:

Ելնելով վերոգրյալից և ղեկավարվելով, մաքսային կարգավորման մասին ՀՀ օրենքի 304-րդ հոդվածով, 301-րդ հոդվածով, 332-րդ հոդվածով, 334-րդ հոդվածի 1-ին կետի 1) ենթակետով և ՎԻՎ ՀՀ օրենսգրքի 234 հոդվածով՝


Ո Ր Ո Շ Ե Ց Ի

1. Մաքսային կարգավորման մասին ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար Արին Խիչումյանի նկատմամբ նշանակել **տուգանք՝ 30.000 ՀՀ դրամի** չափով:

2. Որոշման պատճենը հանձնել կամ ուղարկել Արին Խիչումյանին՝ պարզաբանելով, որ մաքսային կարգավորման մասին ՀՀ օրենքի 334-րդ հոդվածի 2-րդ կետով որոշումն ուժի մեջ է մտնում այն կայացնելու պահից և 4-րդ մասի համաձայն վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով՝ մաքսային մարմնի բողոքարկման հանձնաժողով, այն ուժի մեջ մտնելու օրվանից երկու ամսվա ընթացքում կամ դատական կարգով:

3. Որոշմամբ նշանակված տուգանքի վճարման հաշվեհամարն է՝ **900005024055-ը** (ՀՀ պետական բյուջե, կենտրոնական գանձապետարան, Երևանի մաքսային պալատի կենտրոն-մաքսատուն, վարչության, **ԿՈՂ 27**):

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ ԿԵՆՏՐՈՆ-
ՄԱՔՍԱՏՈՒՆ, ՎԱՐՉՈՒԹՅԱՆ ՊԵՏԻ ՏԵՂԱԿԱԼ



ԱՂԱՍԻ ԱՂԱՅԱՆ